


Морко кундем пашаче калыкше дене курым мучко чапаланен. Пашам йоратыше айдеме нимо деч, нимогай нелылык деч огеш луд. Паша илаш полша, шуара, туня улылымашым келгемда.

Морко районысо кажне ялым шергал лектат гын, уста, мастар айдеме дене палыме лият веле. Мыят мут ярымемым Йогорсола ялын шочшыжо Эдуард Иванович Яковлев нерген шуйынем. Тудо 1976 ий 22 ноябрьыште шочын. Изинекак мураш-кушташ йоратен. Азъял кыдалаш школын икымше классышкыже 1983 ийыште толын. А 3-шо классыште тунем-



АРТИСТ ЛИЯШАК ШОЧЫН

мыже годым кидышкыже гармоньым кучен да марий сем-влакым шокташ тунемын. Школ марте йолгорно ныл корем гоч шуйналтын, олыккан, пеледышан, муй пушан коремйол-влак шкеак мурыктеныт, почеламутым шочыктеныт. Курыкым күзен волаш куштылго лийже манын, мом от быште.

9-ше класс марте тыршен тунемеке, 1992 ийыште шке илыш корныжым ял озанлык дене кылдаш шонен, пошкудо ялысе Шургыял школыш тунемаш кусна. Тушто 10-шо ден 11-ше класслаште тунемше-влакым эксперимент семын ял озанлык пашалан туныктеныт.

Школышто тунеммыж годым драмкружокыш коштын. Тюрло мероприятийлаште марий койышыжым, мастарлыкшым шуарен да ончыктен. Тудын туныктышыжо Александр Арсентьевич Тимофеев Эдуардлан тувыра илыш дене умбакыжат кылым кучаш да Йошкар-Олаште эртаралтше конкурсыш каяш темлен. Туныктышыжо чолга рвезым тушко шкеак намиен коштыктен. Шкетан лумеш марий национальный драме театр марий удыр-рвезе-влакым артист пашалан тунемаш поген.

1994 ий гыч Москоско М.С.Щепкин лумеш кұшыл театральнй училище деч вара Эдуард Яковлев марий театрыш пашаш толын да таче кече мартеат тюрло рольым чонымыж дене калыкым куандара. Чонымо рольжо-влак утларакше характеран улыт. Тудлан комедийыштат, драмыштат, трагедийыштат модаш келша. Кажне постановкышто чонымо образшым шкеже нерешталт лекше шурно пырче дене тагастара.

- Нуно пўтынек чон гыч лектыт, сандене мыланем шерге улыт. Шке образетым пижат гын, тунам модашат куштылгырак, - манеш артист. - Пьесым лудмо годымак шкаланем келшыше рольым кычалам, шукуж годым шонымо семынак лектеш. Сценыште тюрло образым чона, мура, семўзгарым шокта, сылнымут корнылам сера...

2017 ийыште Эдуард Яковлевын пашажым аклен, "Марий Эллын сулло артистше" чап лўмым пуэныт.

Лўмлў артистна дене моткоч чот кугешнена.

Александр ГУРЬЕВ.
Коркатово лицей, 7-ше класс.